



Broj: 0101-2499-5/17  
Sarajevo, 18. 07. 2017. godine

Na osnovu člana 69. stav (2) tačka a), člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog otvorenog postupka za javnu nabavku usluge-Konekcija članica akademske mreže UNSA na čvornu tačku u sistemskoj sali UTIC putem optičkih vlakana, na preporuku Komisije za javnu nabavku broj: 0101-2499-4/17 od 18. 07. 2017. godine, rektor Univerziteta u Sarajevu je d o n i o

### **ODLUKU o poništenju postupka javne nabavke**

#### **Član 1.**

Prihvata se preporuka Komisije za javnu nabavku broj: 0101-2499-4/17 od 18. 07. 2017. godine i poništava postupak javne nabavke usluge: Konekcija članica akademske mreže UNSA na čvornu tačku u sistemskoj sali UTIC putem optičkih vlakana iz razloga što u ostavljenom roku za dostavljanje ponuda, nije dostavljena nijedna ponuda.

#### **Član 2.**

Ova Odluka se objavljuje na web stranici Univerziteta u Sarajevu [www.unsa.ba](http://www.unsa.ba) u skladu sa članom 70. stav (6) Zakona o javnim nabavkama BiH.

#### **Član 3.**

Ova Odluka stupa na snagu danom donošenja.

### **O b r a z l o ž e n j e**

Na osnovu Odluke 02-2499/17 od 04. 04. 2017. godine, Univerzitet u Sarajevu je pokrenuo otvoreni postupak za javnu nabavku usluge-Konekcija članica akademske mreže UNSA na čvornu tačku u sistemskoj sali UTIC putem optičkih vlakana.

Za provođenje postupka predmetne javne nabavke, Odlukom broj: 0101-2499-1/17 od 14. 06. 2017. godine, imenovana je Komisija za provođenje postupka javne nabavke usluge-Konekcija članica akademske mreže UNSA na čvornu tačku u sistemskoj sali UTIC putem optičkih vlakana.

Obavještenje o nabavci broj: 999-1-2-126-3-22/17 objavljeno je na Portalu javnih nabavki dana 15. 06. 2017. godine, a u „Službenom glasniku BiH“ dana 23. 06. 2017. godine, pod brojem: S1-8720-17.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavki dana, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: ekapija doo, Dasto semtel d.o.o., TEAM CONSULTING DOO, BBS Europe, Infostrim d.o.o., Mtel a.d. Banja Luka, Logosoft d.o.o., Teloptic d.o.o., JAVNO PODUZEĆE HRVATSKE TELEKOMUNIKACIJE D.D., DIONIČARSKO DRUŠTVO BH TELECOM SARAJEVO i OPTIKUM DOO.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki, vidljivo je da u periodu koji je ostavljen za dostavljanje ponuda, od strane potencijalnih ponuđača, nije bilo postavljenih pitanja i zahtjeva za pojašnjenje tenderske dokumentacije.

Iz Zapisnika Komisije za javnu nabavku je vidljivo da do 06. 07. 2017. godine do 10,00 sati, koji je ostavljen kao rok za dostavljanje ponuda, nije dostavljena nijedna ponuda.

Na osnovu člana 69. stav (2) tačka a) Zakona o javnim nabavkama BiH, Komisija za javnu nabavku predlaže rektoru Univerziteta u Sarajevu da donese odluku o poništenju postupka javne nabavke usluge-Konekcija članica akademske mreže UNSA na čvornu tačku u sistemskoj sali UTIC putem optičkih vlakana, iz razloga što u ostavljenom roku za dostavljanje ponuda, nije dostavljena nijedna ponuda.

Iz gore navedenih razloga prihvaćena je preporuka Komisije za javnu nabavku, te je primjenom člana 69. stav (2) tačka a) Zakona o javnim nabavkama BiH odlučeno kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.**

Rektor

Prof. dr. Rifat Škrijelj



Dostaviti:

1. Prorektor za finansije
2. Izvršni direktor
3. Generalni sekretar UNSA
4. Služba za računovodstvo i finansije UNSA
5. u evidenciju javnih nabavki
6. web stranica UNSA
7. a/a

**Prilog:** Zapisnik o pregledu i ocjeni ponuda